

BOSNA I HERCEGOVINA
FEDERACIJA BOSNE I HERCEGOVINE
Bosansko-podrinjski kanton Goražde
GRAD GORAŽDE

Služba za prostorno uređenje, stambeno-komunalne poslove i raseljena lica



Broj: 01-02-1-4680

Dana, 17.01.2022. godine

GRAD GORAŽDE

-Gradsko vijeće-

PREDMET: Odgovor na vjećničko pitanje br: 01-02-1-4680 održane 23.12.2021. godine, a koje je na 11. redovnoj sjednici Gradskog vijeća Grada Goražda, postavio vijećnik Aldin Šalaka

Pitanja:

1. Da li je završena kompletna I Faza potisnog cjevovoda i da li je firma ili osoba koja je vršila nadzor imala sve potrebne dozvole i certifikate za nadzor?
2. Da li su prilikom izmjene cjevovoda vađene stare cijevi i da li su se iste mogle iskoristiti u druge svrhe?
3. Koliko je ukupno podneseno inicijativa u 2021. godini, a koliko ih je realizovano?
4. Po ugovoru iz 08.05.2021. godine sa firmom ZD WOLF Media, za nabavku medijskih usluga za potrebe Grada Goražda u iznosu od 5.990,00 KM, koje su usluge i promocija Grada izvršeni i da li je dostavljen izvještaj o istim?

Odgovori:

1. Na osnovu izvještaja nadzornog organa dostavljenog na adresu gradske uprave, zaključeno je da su svi radovi na potisnom cjevovodu (I faza) završeni, osim uređenja šetnice duž trase postavljenog cjevovoda. Zbog pogoršanih vremenskih uslova, izvođač je tražio produženje roka za izvođenje radova kako bi čim se steknu uslovi mogli nastaviti sa radovima.
2. Radovi koji su prvobitno bili predviđeni glavnim projektom, a izvjesno je da nisu mogli biti predmet izvođenja radova su noveliranim projektom izbačeni. Primjer vađenje postojećih vodovodnih cijevi. Tehnološki nije bilo moguće vaditi postojeće vodovodne cijevi bez da pritom se ne impliciraju naknadni radovi i samim tim dodatni troškovi. Međutim na određenim dionicama trase potisnog cjevovoda nadzorni organ je morao odobriti vađenje starih cijevi iz razloga skućenog prostora za postavljanje novih. Dakle zbog velikog broja instalacija na pojedinim dijelovima trase cjevovoda bilo je neophodno izvaditi stare cijevi da ne bi došlo do uništenja postojećih aktivnih instalacija.
3. Ovoj Službi u 2021. godini dostavljeno 38 vjećničke inicijative od kojih je realizovano njih 15 u skladu sa zaključcima Vijeća kojima se inicijative usvajaju, a njih 23 će biti

razmatrano kroz programe koje izrađuje ova Služba za narednu godinu, dakle za 2022. godinu, shodno napomeni ispod.

NAPOMENA:

Vijećničke inicijative koje su podnesene u tekućoj godini do kraja iste, mogu se uzeti u razmatranje, odnosno uvrstiti u programe za narednu godinu. Svi programi ove Službe pripremaju se krajem tekuće godine. Napominjemo još da se za svaki Program, krajem tekuće godine šalju zahtjevi predsjednicima mjesnih zajednica za dostavu prijedloga za izradu ovih planova. Isto tako obaveza komisija formiranih za izradu programa je da obavezno izađu na teren i evidentiraju prioritete, odnosno uvrste u programe najprioritetnije probleme shodno planiranim finansijskim sredstvima kojih nema dovoljno. Uzimajući u obzir sve navedeno, izlaske na teren formiranih komisija, inicijative Vijećnika, prijedloge mjesnih zajednica, dostavljenih do kraja tekuće godine, ova Služba do usvajanja bužeta razmatra koji su prioriteti za uvrštavanje u Programe, i shodno finansijskim sredstvima planira iste. Inicijative, prijedlozi i sugestije koji se podnesu u narednoj godini, uzet će se u razmatranje prilikom izrade programa za godinu koja predstoji.

Ukoliko se neke od inicijativa ne moraju vezati za navedene programe, Služba će razmotriti na koji način se iste mogu realizovati i ako su potrebna sredstva odrediti sa kojeg ekonomskog koda budžeta Grada Goražde se mogu koristiti.

4. –

S poštovanjem!


POMOĆNIK
GRADONAČELNIKA
Adisa Borovac, dipl.ing.grad.